



Inatsisartunut ilaasortaq Naaja H. Nathanielsen
Inatsisartut
/MAANI

2014-imut qalerallitassiissutit qaffanneqarnerat pillugu § 37 nr. 2014-019-imut akissut

10-02-2014
Suliap normua 2014-094860
All. nr. 1453874

Inatsisartut suleriaassianni § 37, imm. 1 naapertorlugu qalerallitassiissutit ukiup nikinnerani amerlineqarneri pillugit Naalakkersuisunut apeqquteqarputit. Ilutigalugu qalerallitassiissutinik qaffaaneq aalisartunut qanoq naleqartiginera, ataatsimillu pisassarititat arlaatigut ikilileriffigineqassagaluarpata tamanna angallatinut seks meterit sinnerlugit takissuseqartunut umiatsiaararsortunullu imaluunniit pineqartut arlaanut tuttinniarneqarnerisooq kiisalu ukiumoortumik pisassiissutit biologit siunnersuinerat naapertorlugu aalajangersarneqarsimanersooq apeqqutigaa. Apeqqut uannut akisassanngortinneqarsimavoq.

Postboks 269
3900 Nuuk
Oqarasuaat (+299) 34 50 00
Allak. (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Uppernarsarneqarsinnaava ukiup nikinnerani qalerallitassiissutinik 3600 tonsinik qaffaaneq umiatsiaararsortunuinnaq atuuttussatut naatsorsuutigineqartoq?
2. Mianersortumik naatsorsuinerit aallaavigissagaanni taamatut qalerallitassiissutinik qaffaaneq aalisartunut qanoq naleqartigiva?
3. Ataatsimut pisassarititat arlaanni millileriffigineqassagaluarpata tamanna angallatinut seks meterit sinnerlugit takissuseqartunut aamma umiatsiaararsortunut, imaluunniit arlaannaannut, Naalakkersuisut tutsinnialersaarpaat?
4. Sinerissap qanittuani qalerallitassinaneq pillugu Namminersorlutik Oqartussat nalunaarutaat nr. 2, 2. februar 2012-meersooq naapertorlugu uumassusilerinikkut siunnersuineq tunngavigalugu ukiumoortumik qalerallitassinaneqarsinnaasutut pisassiissutit aalajangersarneqartartussaapput. Uumassusilerinikkut siunnersuineq tunngavigalugu 2014-imut pisassarititanik qaffaaneq ingerlanneqarpa, taamaasillunilu nalunaarummut naapertuuttuulluni?

Apeqqutit siulliat angerlugu akineqassappat apeqqutit tulliat ilanngullugu akineqaaqqu-savara

5. Sinerissap qanittuani qalerallitassinaneqarsinnaasutut pisassiissutit angallatinut seks meterit sinnerlugit takissuseqartunut umiatsiaararsortunullu aallaqqaa-taanit pisumik agguataarinninneq siusinnerusukkut aalisarnermi pissusiusi-masunik tunngaveqarpoq. Angallatit seks meterit sinnerlugit takissuseqartut innuttaasalu pisassarititanik qaffaanermut ilangiisussaataannnginnerat naalakkersuinerinikkut tunngavilersuutinik isumaliutinillu sunik patsiseqarpa?

Akissutit:

1)-imut

Uppernarsarneqassaaq sinerissap qanittuani qalerallitassiissutit amerleriaataat 3600 tonsiusut umiatsiaararsortunuinnaq tunniunneqartussanngorallartinneqarsimammata.

Tamaattoq Naalakkersuisut amerleriaatsit pineqartut allatut agguarneqarsinnaaneri misissorpaat, angallatit seks meterinit anginerusut ilanngunneqarsinnaanngorlugit. Tamanna angallataatillit maalaaruteqareernerisigut pivoq.

2)-mut

Sinerissami qanittumi qaleralinniarnermi tunisinermi akigitinneqartartut 2008-mit qaffakkiartorsimapput, 2013-imilu akigitinneqartut 2008-imut akigitinneqartunut sanilliukkaanni marloriaatinngorsimallutik. Aqutsiveqarfinni pingasuusuni Upernavik, Uummannaq Qeqertarsuullu Tunua umiatsiaararsortunut tunisinermi akitiginneqartut agguaqatigiisikkaanni 2013-imi akigitinneqartoq agguaqatigiisillugu 14,2 kr.-iusimavoq. Nunatta kitaata sinnera ilanngukkaanni agguaqatigiisitsilluni akiusoq 14,34 kr.-iusimavoq. Piffissap sivikitsup ingerlanerani akit qaffakkiartorsimapput, 2010-mit 2013-imut, 2013-imilu akit aalajaallisimasutut oqaatigineqarsinnaagunarlugit, 2012-imi akigitinneqartut annertoqatigingajallugit. 2012-imi aqutsiveqarfinni pingasuusuni aki agguaqatigiisillugu 14,1 kr.-iusimagami. Tamaakkaluortoq oqaatigineqassaaq aqutsiveqarfiit eqqarsaatigalugit akit agguaqatigiisinnerat assigiinngitsorujussuummat, pingaartumik Uummannami Qeqertarsuup Tunuanilu, taakkunanimi 2013-imi akigitinneqartut 5 kr.-imik nikingassuteqarsimammata. Akigitinneqartut aalajaallisimasutut oqaatigineqarsinnaagunarmata 2014-imilu allanngussagunannimmata, aalisartut isertitassaminnik naatsorsuinerminni kg-imut akigitinneqartussat mianersortumik 14 kr. aallaavigisinnaassavaat. Ukiup siulianut sanilliullugu massakut 600 tons-inik qaffaaneq 8,4 mio. kr.-inik naleqarpoq. Pisassiissutut tamakkerlugit amerlariaataat 3600 tons-iusut ilanngukkaanni 2013-imi 2014-imilu pisassiissutissatut aalajangersaakkat 50,4 mio. kr.-inik naleqassapput.

3)-mut.

Sinerissap qanittuani qaleralinniarnermi peqataasut imminut akilersinnaasumik ingerlasinnaanissaasa Naalakkersuisunit qulakkeerneqarnissaat pingaaruteqartorujussuvoq. Tamatuma kingunerisaanik nammatassat assigiimmik aamma nammattariaqarput. Taamaattumik Naalakkersuisut naatsorsuutigaat ikililerisoqassappat tamakku amerliinertulli agguarneqarumaartut.

4)-mut

Biologit siunnersuinerat naapertorlugu sinerissap qanittuani qaleralittassiissutissat aalajangersarneqartarput. Sinerissamilu suliffissaqartitsiniarnissaq inuiaqatigiinni pisariaqartinneqartoq qulakkeerniarlugu pisassiissutit 2013-ip ingerlannerani allanngortilaartarnissaat Naalakkersuisunit pisariaqartinneqartarsimavoq.

Inussiarnersumik inuulluaqqusillunga

Finn Karlsen